



**Voorskoolse-
Sondagskool**

Les Titel: Om te help

'n Ouerhandleiding
Sondagskooltuisonderrig



Liewe Ouer

Welkom by die les “**Om te help**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSH5
2.	<p>Versamel die volgende hulpmiddels om te verseker dat u vir die les gereed is:</p> <ul style="list-style-type: none">• Bybel• Die les in PDF-formaat wat reeds voorberei is• Kind se werkboek, potlode, kryte, ens.• Die kort video, wat 'n addisionele / opsionele hulpmiddel is• Kategismus in Vrae en Antwoorde (veral vir Konfirmasie) <p>Nota:</p> <p>2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou.</p> <p>2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie.</p> <p>2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)).</p> <p>2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.</p>
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jousef aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel

Om te help

Lesdoelwit

Die les van vandag leer ons dat dit goed is om te help

Lesopsomming:

Ons les van vandag handel oor hulp aan ander of aan behoeftiges.

Ek is seker jy sal saamstem dat dit 'n baie goeie daad is om ander te help

Die Here Jesus het altyd mense gehelp wat na Hom gekom het om hulp. Jesus Christus is so 'n goeie voorbeeld en ons wil net soos Hy wees deur diegene in nood te help.

Soms voel ons nie altyd lus om mense te help wat heeltyd kla of as hulle lelik is teenoor ons nie, maar ons doen altyd soos Jesus sou doen. Ons help hulle nog steeds.

Daar was 'n bejaarde vrou met die naam mev. Boegli wat altyd iets gehad het om oor te kla en sy het nie van kinders gehou nie. Mev. Boegli het gewoonlik 'n middagslapie geniet en daar het kinders buite gespeel. Die kinders es geraas het harder geword en hulle het skielik 'n stem hoor roep: "Kan julle 'n bietjie stiller wees? Met al hierdie geraas kan ek nie slaap nie." Die stemme van die kinders word vir 'n oomblik stiller, dan begin die geraas skielik weer. Na 'n rukkie gaan die venster weer oop en mevrou Boegli vra die kinders of iemand na die bakkery toe sal gaan en vir haar 'n brood kry. Sy het baie pyn in haar knie en kon skaars beweeg.

Die kinders fluister onder mekaar: "Sy moet self gaan. Ons speel nou" en mev. Boegli maak die venster toe en die kinders gaan speel weer.

Net Verona begin dink, sy dink aan haar ouma wat ook kla oor pyne in haar knie. Sy sê vir haar vriend "Kom laat ons vir mev. Boegli bakkery toe gaan"

Die twee meisies lui die deureklokkie en mev. Boegli is baie verbaas en dankbaar dat die meisies haar wil help.

Toe hulle terugkom van die bakkery, kry hulle 'n sjokolade en 'n geskenk om dankie te sê.



Wat beteken hierdie les vandag vir ons?

Dus, wat ons leer uit die les van vandag, liewe kinders:

- Wees altyd behulpsaam; dit is die regte ding om te doen
- As jy ander help, maak dit nie net vir hulle gelukkig nie, maar jy voel ook gelukkig
- Jesus het altyd diegene in nood gehelp en ons wil sy voorbeeld volg.
- Deur ander te help, wys ons ons liefde vir God

Sommige vrae wat ons kan vra:

- *Vraag: Waarom moet ons ander altyd help?*

Antwoord: Want daar sal 'n tyd kom wanneer ons ook hulp nodig het.

- *Vraag: Wat gebeur wanneer jy ander help?*

Antwoord: Dit maak hulle gelukkig en jy kan 'n nuwe vriend bykry.

- *Vraag: Hoe kan ons die armes help?*

Antwoord: Deur vriendelik teenoor hulle te wees

Deur hulle met respek te behandel

Deur ons kos met hulle te deel!

- *Vraag: Wat gebeur wanneer ons die armes help?*

Antwoord: Ons maak hul lewens 'n bietjie beter!



'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.